

صرخ هيهات وهوت رايات

جسام طب المعركة ليث الحريه

\* \* \* \*

ماشي كصد للمعركة وبيمينه بتاره زاهي مثل ضي الكمر تنتشعشع أنواره  
يشبه أبوه المجتبي ويحمل اسراره الله من طب الحرب وش سوى بالغاره

من الميدان تفر شجعان

والصوله صولة حيدرته وماهي غريبه

\* \* \* \*

امرئح ابماي الملاحه ويشبه اجدوده امورّد الوجنات تشهد حمرة اخدوده  
وتغار نجمات السّما من ينشر اجدوده ربي يحرسه من الأذى وللخيمه ايعوده

بشرف فرعه حمل درعه

لوح بشفرة صارمه وفرت كتيبته

\* \* \* \*

ثابت ابوسط المعركة بعزمه وايمانه ينصر ابو سكنه ويصد ابسيفه عدوانه  
ما يقبل الذل والهضم والعزه عنوانه ميدانه ارض المعركة أي والله ميدانه

بطل مهيووب رعب لكلوب

رغم العمر خلى العدا بحاله عصيبه

\* \* \* \*

مثل الأسد هايح وتسمع صدى صولاته چنه علي حامي الحمى من بيدي حملاته  
دمدم على الشوس وغضب يامحلى غضباته عزّه وكرامه ومرجله تنتفجر بذاته

على الجيمان هجم غضبان

بدد عزمها صاحب الصوله المهيبه





\* \* \* \*

ظل يرتجز ليث الإبا ويرهب العسكر      زلزال صوته من صدح بلمعركه وزمجر  
جدي الصميده حيدر وانا شبل حيدر      والمجتبي بويه الحسن وبن عمي الأكبر

حليف الجود      وبحر الزود  
أنا الهمام الهاشمي وتعرفني طيبه

\* \* \* \*

صوّل على العدوان وشد بلمعركه احزامة      خلّه الجماجم طايره من غضب صمصامه  
ضاري ورعب الموت يخطف إللي گدّامه      وسيل الدّمّا من صولته علغبره يتهامه

أسد مّئاع      ولا يرتاع  
أفعاله وسط المعركة والله عجيبه

\* \* \* \*

وبصارمه الموت انرسم وانرصدت افعاله      يشخب ومن فيض الدّمّا بيرگ ويتلاله  
وسفه انكّطع شسع النعل ومن مال إلى نعاله      صوبه الأزدي بصارمه ياحسره واغتاله

صرخ عمي      نزف دمي  
إدركني ياخير الوري هامي صويبه

\* \* \* \*

من سمع صوته احسين روحه انخطفت وذابت      وتعهّ ليه ودمعته فوگ الوجن سالت  
شافه على وجه الثرى ومته الدّمّا فاضت      مثل الصقر حط فوگه واللوعه بألم هاجت

حضن جسمه      وشكى همه  
بعدك على الدنيا العفى يابن النجيبه

صرخ هيهات      وهوت رايات  
جسام طب المعركة ليث الحريبه

لجنة التأليف  
موكب عزاء المعامير

tham 0028

*[Faint, illegible text at the bottom of the page, possibly a stamp or footer]*